


Idea di Summer Carnival ta di aplaudi y mester sigui

Diasabra anochi mi a dicidi di bay tira un bista na Noord pa mira kico **Summer Carnival Parade** tin aden. Mi a nota e desapunto y decepcion cerca varios hende, tambe mi a nota e admiracion y e aclamacion cu tabata tin di otronan. Mi tabata tin cerca mi di bishita na Aruba, un persona carnavaalista veterano di St. Maarten, cu a keda encantada cu e parade aki. E por sa, pasobra e ta na Aruba durante temporada di carnaval y su paradanan y tabata aki pa e summer carnival parade tambe. **“E ta algo otro. Un anochi agradable pa sali cu bo yiunan y goza di un parada colorido y su musica y cu na final bo bisa: mi a pasa un bon anochi y mi yiunan tambe”.** Esey ta importante.

Den e comentarionan mi a nota cu esnan desapunta y decepciona ta esnan cu ta gasta centenares y centenares di florin den gruponan grandi di carnaval y cu mas bien kier kibra iniciativanan di otro. Esnan cu a admira e iniciativa y a goza di e parada y locual nan a mira y scucha riba caya a mas bien expresa ideanan pa futuro. Esaki tabata encera e toke crioyo, e toke arubiano, e toke cultural hunto cu temanan special. Varios tabata carnavaelistanan di gruponan grandi tambe pero cu mente mas habri pa inovacion. Mi a sinta na Fermin's Bar y para na baricada pabao di Fermin's Bar pa mira e parada. Mi no a bay cubri, ni a presenta cu camera, grabador of pen cu papel. Mi a bay pa mira kico e parada tin aden y **“e no a desapuntami.”** Loke so mi a falta ta mas creatividad, mas luz [pa por bisa cu e ta un **“mini lighting parade”** manera el a wordo promovi tambe].



Mi no ta corda e secuencia di parada y su temanan exactamente, y tin cu depende riba e tiki memoria cu mi tin ainda, segun e edad hoben cu mi tin. Mi a ripara si cu e gruponan no tabata di e cantidad di hende cu a wordo menciona na emisoranan anteriormente. Esey sinembargo ta e **“mentira inocente”** di carnaval, di menciona mas cu realmente ta spera. Pero e ta kita nada afo di ningun di e gruponan. Mi a gusta e comienzo di parada cu **Mama di e parada “Sra. Titi Tromp”** dilanti hunto cu su grupo [di Alto Vista, si mi no ta kiboca]. Mi a gusta e trahenan di e grupo riba caya. Nada di e trahe di luho di carnaval, di locual bo ta mira anualmente ta ripiti pa mas di 15 aña, tur aña mescos cu un tema di fantasia, pa por trece un distincion cu otro gruponan. Mi a mira trahenan den estilo di trahenan tipico, pero cu toke colorido di carnaval y cu tabata bunita pa mira. **New Generation Steelband** a percura pa e ambiente festivo di e grupo. A sigui algun persona di realza di carnaval manera reina, rey, prins, prinses, primera dama, segunda dama etc. pa mi exagera e figuranan di gafiña gafiña na mi manera. Nan tabata


bunita y precioso pa mira y hunto cu nan e **Brassband Massive**.

Un grupo cu por tabata un atraccion tabata esun di **Bubali** cu trahenan di **camufla di guerra**. Aki por a mira e corto tempo cu tabata tin pa prepara y kizas e falta pa por a organiza un grupo military of di gueriyaeronan. Nan tabata mucho poco y e trahenan no a saca afo e tema di e grupo, si no tabata pa e **tanki guerra (creativo di carton)** riba caya. Nan tabata tin musica di un disco, net cu suficiente volumen pa e grupo. E publico por a goza di e grupo y goza di e musica di volumen suficiente pa sigui e grupo, y ningun momento a haya e minimo falta di e **BOROTO** musical di paradanan.

E grupo cu mi kier a mira mas elabora y cu lo a bira bunita ta esun di **fiesta di copi thee** y e reina na rose bisti cu su corona riba cabez, canando y bailando dilanti di e carosa di copi, mi a goza un mundo. El a ponemi pensa riba **“Reina Emma”** of por ta tambe e statua di **“Reina Wilhelmina”**.

Di e grupo aki lo mi kier a mira un grupo di e participantenan cu trahe di copi como si fuera nan ta sali for di e copi. Pero atrobe..., tempo sigur a hunga un papel importante y hunto cu e tempo tambe e preparacion di finanzas suficiente pa trece riba caya locual e deseo berdadero lo tabata. **Pero otro biaha....? E lo ta mihor.**

New Generation Seleccion Brassband tambe a sorprendemi, mi no a spera, y despues ainda **Quality Brassband** y casi na final, **Level Up Brassband**. E musica e anochi tabata di **“back to the brassbands”**. E grupo di **Montaña cu su Disco** mescos cu **Salinja cu su reina di Rooi Bosal** tabata un placer pa mira y cu nan despues, e **Hardin**



kibra e **“tema”**. Mira kico ta pasando cu **Parada di Luz di San Nicolas ? T-shirt ta mand'e atras?**

Sinembargo, e **“Jolly Groovers”** cu **N'Fusion**, a crea ambiente pa un final festivo di e anochi di parade cu a dura 45 minuut y cu tabata net bon pa por a goza inmenso di dje.

Kico por haci pa otro biaha ? Ta hopi cos sigur. Esnan cu tin intencion di join otro aña por cuminsa na cumpira di awor, pidi pida liña di luznan colorido

pasobra e trahenan y

tambe piezanan a falta esaki.. Por pensa riba temanan **“crioyo”** local pa trece otro escencia den e parade. Bini cu otro tipo di fantasia **“general”** cu ta diferencia e parade aki di esnan existente. Lo por hasta bay asina leuw di haci e musica un musica di **“danza”** y di **“tumba”** riba cual bo ta trip mescos cu riba e musica di carnaval normal. Ta casi e mes ritmo. Cu esaki ainda por haya agrupacionnan tipico pa participa. Esakinan ta djis ideanan pa habri **“conversacion y discusion riba dje**, di parti di e organizadornan, cuminsando cu **preparacion di awor pa “Summer Carnival Parade 2018”** y no warda te ora cu tin cu bay **“rush” tur cos**. Por bisa aki cu papia y skirbi ta un cos pero actua ta otro. Wel, e organizadornan lo tende di mi pronto riba e actividad aki y kizas ini por gafiña y exagera cos, estilo arubano, y laga nan keremi. Mi ta duna pabien na e grupo organizador pa e comienzo agradable aki y ta spera di contribui pronto na algo pa e siguiente evento na 2018. Mi ta sigur cu mayoria grandi di esnan cu a mira e parade a goza inmenso di dje.

Juby Naar

di **Sero Janchi** y un reina di **Montanja** si mi no ta kiboca acompaña pa **Quality Brassband**.

Mi a goza un mundo cu **Sra. Carnaval di San Nicolas** y reina di **Lago Weg** a bin Noord pa participa cu e grupo di **“Diki te triki”**. Diki mi no a mira, pero triki si masha hopi. Nan tabata tin e **Level Up Brassband**. E grupo cu mi no a gusta como grupo disfraz pero si mi a keda encanta cu nan musica y nan ambiente, tabata na final. Mi a mira e banda ta pasa mi dilanti, mi a scucha un **“Jubyyy !!”** y despues un **“Popooooo!!”**. For di dos diferente direccion. Ora mi a hisa cara, ta net cu **Danny Koolman** ta hisa man cuminda mi y mi a ripara cu mi ta moviendo riba riba di **N'Fusion**. Nan tabata tin e volumen carnalescos, pero no e **BOROTO**, hopi menos y tabata bon tambe, sino lo a cambia e ambiente di e anochi. **Nan tabata e animacion di anochi.**

Pakico mi no a gusta e presenacion di **“Jolly Groovers ?”** Pasobra **T-shirt ta kibra paradanan**. T-shirt ta kibra e esencia di e parade. Esaki sigur no tabata un **fakkeloptocht**, ni otro paradanan cu **T-shirt ta domina**. E no tabata un parade pa mira T-shirt cu ta